

## Nevīkēs sapnos

Atsékeli laimings par vēsa pēlva,  
Je nakti truopni sapna sapnavā.  
Ē vēsa dēina stuov tas sapnos galvuo –  
Tēp, ruoduos, ligo duovēna gavā.

Jog viejē vēskas – žēnuom patīs gerā,  
Negausma nieka, nieks mūsa našēldīs.  
Kažkuokėj joukā, špuosā, naktēis čerā,  
Vo rast kas nuorintās ē ēšsēpēldīs?

Sapnoujo nesenē aš šuokiu zalē.  
Poikiausē trūbā, mozēkelē graži.  
Sojoda vēsē kas tiktā gīvs galis, –  
Polkelē šuoka dēdēlē ē mažē.

Naēškēntiau ē aš: jau ruoduos, grētā soko,  
Vo dar ē puorininks tuoks nabluogs prisēstatē.  
Terīštēis – ēso: šuoktē tēkrā muoko,  
Nanujautiau, ka aptorietē rēks sarmata.

Ožtēla trūbā – vēsē moni matē:  
Platausiuo zalie, vēsor liousē vēitas.  
Aš napašuoko, tik staipaus kap katē,  
No kāp pašuoksi golint sosērēitos.